

TUS MOB Q FEVER

(Query fever, coxiellosis)



Tus mob Q fever yog ib tus mob tau los ntawm tus kab mob *Coxiella burnetii*. Tus kab mob no pom muaj nyob thoob ntiaj teb, uas kheev pom ua mob rau cov nyuj, yaj, thiab tshis, thiab kuj tseem ua tau mob rau cov tsiaj yug hauv tsev thiab. Tib neeg kuj kis tau tus mob thaum lawv kov tau cov tsiaj no los yog cov khoom uas muab tsiaj ua tawm los, los yog thaum mus nyob ze cov chaw uas cov tsiaj muaj tus mob nyob. Cov kws kho tsiaj, cov neeg tu nqaij, cov tswv liaj tswv teb uas yug tsiaj txhu, thiab lwm cov uas tu ib tus nyuj muaj me nyuam, yaj, thiab tshis yog cov yuav kis tau tus kab mob *Coxiella burnetii* zoo tshaj.

Dab tsi ua rau muaj tus mob?



- ▶ Nyob hauv cov tsiaj uas muaj tus mob, yuav pom muaj tus kab mob ntau nyob hauv lub tshos me nyuam thaum yug los, hauv cov me nyuam nyob hauv plab uas muab tshem tawm los, thiab cov kua dej uas yug tus me nyuam. Tus kab mob no tseem pom muaj nyob hauv tsiaj cov mis, quav, thiab zis.
- ▶ Neeg kheev yuav kis tau tus mob thaum lawv nqus tau cov plua plav uas muaj tus kab mob.
- ▶ Tus kab mob no yuav nyob tau mus sij hawm ntev hauv tej plua plav, plua tshau, pem teb, thiab tej chaw pw. Qhov no txhais tau tias cov neeg uas tsis tau kov kiag tus tsiaj los yeej tseem kis tau mob.

Dab tsi yog cov cim qhia tias yog tus mob thiab cov tsos mob?



Cov neeg uas muaj tus mob Q fever feem coob yuav tsis pom muaj cov tsos mob. Rau ntawm cov uas pom muaj, cov tsos mob yuav sib txawv ntau heev. Cov uas tej roj ntsha tiv thaiv kab mob hauv nruab nrog cev tsis muaj zog, cov muaj mob rau lub plawv, los yog cov uas lub cev xeeb tub yog cov uas yuav muaj tau mob mus ntev tsis txawj zoo thiab/los yog muaj cov tsos mob hanyav, xws li:

- ▶ Kub ib ce
- ▶ Hnoos thiab/los yog mob ntsws muaj dej
- ▶ Mob taub hau, muaj tej zaum kuj mob hanyav
- ▶ Mob ib ce
- ▶ Daim siab o (ua mob rau daim siab)
- ▶ Ua mob rau ntawm theem ntug ntawm lub plawv thiab daim npog saum lub ncauj plawv (endocarditis)
- ▶ Yug tus mos liab ntxov dua nws lub caij los yog nchuav

Cov kev kho tus mob yog li cas?



- ▶ Nws tsis yog ib qho yooj yim los mus paub tau tias ib tus neeg muaj tus mob Q fever. Nws kuj tseem tso tau ntshav mus kuaj yog hais tias tus neeg tej roj ntsha tiv thaiv kab mob hauv nruab nrog cev ua tau pom tus mob. Cov kws kho mob kuj tseem siv tus neeg li keeb kwm tau nyob nrog tsiaj yav dhau los nrog rau cov cim thiab cov tsos mob los mus pab nrhiav seb puas tau tus mob Q fever.
- ▶ Muab cov tshuaj tua kab mob siv kho tus mob Q fever. Cov uas muaj mob rau lub plawv tej zaum kuj yuav tau phais tus mob.

Yuav tiv thaiv li cas thiaj tsis kis tau tus mob no?



- ▶ Nws yog ib qhov tseem ceeb uas yuav tau rau hnab looj tes, rau lub khwb ntsej muag, thiab cov tsom iav thaiv qhov muag thaum mus pab tus maum nyuj, tshis, los yog yaj yug me nyuam.
- ▶ Cov uas muaj keeb kwm mob rau lub plawv yav dhau los, cov uas tej roj ntsha tiv thaiv kab mob hauv nruab nrog cev tsis muaj zog, los yog cov poj niam uas lub cev xeeb tub yuav tau zam txhob mus kov nyuj, tshis, thiab yaj.
- ▶ Zam tsis txhob noj cov nqaij yaj nyoos, nqaij tshis, los yog cov khoom muab mis nyuj ua tawm los.

